

琴隱園詩集

土

琴隱園詩集卷二十六

武進 湯貽汾 雨生

琴隱集

辛丑

詠史十六首有感時事拉雜作此不自知其言之長也

越臺荆棘臥豺狼瘴霧昏霾鴉陣狂八萬軍憐雙鐵漢

江三

副將陳公連升子舉鵬同戰死

十三樓擁百珠孃卽今事業無功狗自古

衣冠有爛羊憶昔中天瞻日麗博陵琛賚繪梯杭

繡鎧無端夢裏來風雲叱咤奪龍媒便宜世重元戎柄嫵媚天生宰相才簪脫可憐麟援毀囊充不惜象身灰宣勤

自勝秦長腳乍建油幢五管回
百劫沙蟲性命微登壇已自伏危機楊枝露冷妖氛熾颶
母風狂奏草飛肘後尙嫌金印小袖中安得鐵椎肥酒罷
若解爲霖雨洗盡兵戈奠九圻

烽火丹冥照眼迷原來罔象畏然犀趙佗城郭悲狐鼠鮑
靚妻孥剩犬雞討檄大書狂寇窘義旗一舉萬人齊龜梁
螭駕隨煙滅竟有啼烏幕上栖

聞道燕齊盡出師凌煙搔首憶英姿羊牢補比青天易蜃
市開離碧海奇勒鼎銘鐘能幾輩臥薪嘗膽此何時白頭
西望空垂汨諸將誰聞杜老詩

海立雲昏翠壁焦金風催湧竹山潮孤城百戰援終絕千

古三忠怒不消

壽春總兵王公錫朋定海總兵葛公雲飛處州總兵鄭公國鴻于八月十二至十七

日戰六晝夜同死定海

三五明蟾驚慘淡東南孔雀快扶搖早知殲

盡同舟敵無復長鯨奮鬣驕

招魂何處海天長繡闥娉婷乍靚粧八月官梅輕破萼

節署

梅花八月盛開

一宵大厦自摧梁

節署二堂以日者之言改建較舊制卑二尺九寸於七月晦夜

成倒戈豈必心強寇裏革何曾事戰場半壁山河空撒手

水犀零落錦衣鄉

分無金屋貯長春步步蓮花換棘榛只道官存城尙我那

知賊在市非民平生所欠豈惟死後世不思還有人見說

春陵風鶴靜儘容覓句破愁新

頻聞畫錦侈歸田有幾貲郎諫獵賢市僧能言溫室樹盜

糧恰富水衡錢同憑九府供千指孰把羣黎任一肩劍浙
矛炊方未已木牛愁殺海東邊

高秋龍武下昭關十道徵書使節頽白面居然開北府蒼
生未必仰東山彈冠幾日三臺厯飲羽何人四斛彎搏象
自須獅子力伏波可柰髯毛斑

眼看猿臂盡封侯渤海波恬蜃氣收戰鼓未鳴青雀舫尙
方已賜黑貂裘西園八校雲臺壯朔漠孤臣雪窖愁方略
休論漢驃騎安民先解 聖明憂

襁負如雲四野號人如亂葉逐風飄已無田里何生路尙
有心肝爲 聖朝戰骨山高魚腹剩軍書火急馬蹄消眼
中誰免填溝壑把酒生前且自澆

亡命依然虎豹吞紛傳河伯又新昏鶴歸荒隴迷今昔鏡
破空房泣夢魂有石難填千載恨無波能洗萬人冤曹娥
襟帶非天塹壁壘端應異棘門

獵獵旌旗簇繡裳辛勤父老挈壺漿時和廉藺猶冰炭世
亂華夷共井疆燕領書生工將略龍圖老子習蠻方征南
何日重持節周伯

星名光明帝座旁

長城未壞局先輸閭闔誰容鷺鳥呼不信瞽趨來水母豈
知臭逐得金夫養癰到此求醫晚揖盜于今塞竇愚終是
聖朝寬大處止戈原冀萬民蘇

神仙何必愛瀛洲早變桑田萬事休呪水立教鯢徙宅量
沙便借鶴銜籌豈無射虎屠龍手自有乘風破浪舟直到

扶桑弓挂卻結胸窮髮一齊收

朱涵齋

倫翰

都統指畫上山虎爲其曾孫小泉

奕亨

別駕題

君不見裴龍華善射虎一朝斃虎三十一眞虎渠猶未嘗
覩怪哉朱將軍畫虎虎逼真眞虎何時落公眼髯鬚堂壁
奔千入霜牙列鋸日夾鏡能使眾生愁性命一躍心輕萬
仞岡撥開榛莽安身定當年侍從數田獵獻虎御前同
獻捷至尊含笑入校驚百年猶錮東虞柳將軍伏虎虎
見恭盡虎之態羅胸中將軍詩虎虎畫虎氣類相感宜逾
工將軍畫筆天公賜

王夢樓題云先生兒嬉時右手中指

爲積煤所壓創甚比愈而指有肉尖

突出故指畫特工纖細處與筆無異尤有筆所不能到處

嘗侍聖祖側從容奏及此事

聖祖曰此天賜汝筆也

筆是將軍老猿臂投之不得殊辛勤奉 救時時換金幣

國初以來擅指法鐵嶺名高誰敢壓將軍後有蘇金庭

蘇城

蘇虛谷廷煜廣文自號金庭外史乾嘉間以指畫名畫虎不成心膽怯松公椽筆惟

書雄

湘圃相國善大書一筆虎字

持較將軍嗤技窮名世奚論趙邈齋

徵題並邁王荆公

有鄭板橋百菊溪姚姬傳諸先生題

衛凶辟惡雄無敵寅

年日月時寅客

自署乾隆戊寅首春三月寅時指畫

傳家五世太平年魑魅

不容幽暗匿此非虎吾疑神生不作封使君饒頤忍觸飢

寒民大海西頭鬼伯惡盡下蒼崖恣大嚼

風俗通虎噬食鬼魅

書事二首

江南樂土習娛嬉錦樣繁華六代遺屈指一秋三厄水傷
心十室九懸炊風前葛帔侯門裔舫底銀箏繡閣姬日飲

蠲疴千萬斛鵠鳩難起命如絲

不剗崑崙變輓紅陽侯惡劇正無窮萬家白骨隨沉璧百
丈金隄訝斷虹獻策早紆明主慮負薪難沒老臣功

栗恭

勤治東河創磚工以私財成之

含毫待製河清頌早晚宣房會築宮

題許定生

淑慧

女史賣畫養親圖

誰識西湖女畫師天涯橐筆等男兒金壺倒盡傷心淚羸
得人傳孝女詩

不畫春鴛畫雪鴻算來卻畫孝烏工他人尙愛孤山鶴未
免分餐累阿翁

重題家山歡聚圖

葭村兄于嘉慶己巳冬里居招同韵清雲村兩兄

舸汀姪作消寒會歲杪余之官羊城於舟中補圖
寄之道光辛丑兄解組歸同寓白門重展此圖因

題

吾宗自虞山再徙之毘陵名宦惠安始

八世祖司城公嘗官惠安丞祀名宦

萬石隆家聲德澤侔文翁三世錦官城

伯祖肖山公守成都伯父時偕公石

桂司馬葭村兄則碧山宰

知否由他人自勵同一清吾兄問絹日氣薄

搏霄鵬惜哉搖嶽筆鳳樓書未成作吏豈素懷治譜殊專

精鳴琴三十載天高豈得聽白髮歸故鄉回首淚縱橫少

年觴咏地睽隔猶蓬瀛遑問少年侶存者疏晨星我時竹

林中最少最伶仃心猶當日壯髯易無餘青前程繫殘墨

到眼鴻泥驚深慚三絕譽

趙味辛丈題云賴有畫圖能駐景廣文三絕讓將軍重憶

萬里程我昔去嶺表母在弟偕行簾窗靜無事弄翰聊娛
情此畫母見之此詩弟嘗賡撫此悲滄桑奚獨傷宗盟兄
言且莫悲自古有死生五人三尚在我汝已合并六代留
名山幾人得歸耕無田有茅屋亦足娛親朋觴咏喜不孤
樂此弟與兄子孫況振振歲歲期添丁十年種桃李開宴
豪飛觥後來圖幾許一一還題名

題畫贈楊芝友

士銓

卽送省親歷下

谷暗榕陰合溪明石色鮮八閩山水窟一別夢魂牽誰自
干戈際來尋翰墨緣登高漫回首風雪又殘年

送子趨庭去音書盼雪鴻親心正憂國天意待平戎何日
青溪路重尋白髮翁龍山古松頂談笑一尊同

送綬兒之任鹽城卽督兵防海

戮卻鯨鯢再釣鼇茫茫天海慎風濤一經以外無貽汝贖
有團花舊戰袍

君恩不薄羽林兒劍斲矛炊勉自支努力休爲甘旨計三
軍減竈已多時

忠義先教士卒敦再同甘苦共寒溫能沾一勺投醪惠自
報三冬挾纊恩

一身許國莫思親病骨支離善自珍巾扇從來能克敵凌
煙豈盡拔山人

戲題劉卓齋

燦

都尉壁閒壽星卓齋病亟恍惚見壽

星慰語再三得愈

嘉祐八年太平季市有老人異常態其身與首各半長賣
卜都亭似遊戲兒童笑逐市人訝餉以黃封不成醉偶逢
好事爲寫真傳觀禁近聞之帝帝召老人登殿陞問以甲
子耄不記叩所嗜好願旨酒賜飲一石使盡器須臾鯨吸
過七斗太史奏占南極墜回頭已失飲酒人此事傳聞千
載異借問老人去何所誰知遠向君家避君殆與彼共者
會酒侶多年不容棄不然此老最孤高富貴相招未輕詣
今年君病亦云殆此老牀前語相慰我知君壽早自延壽
與此同無足怪非關導養得仙術四五十妻異牀被此老
觀君尙髫齡來日方諳蔗枝味只疑此老轉妬君久恐弧
南讓君位我有一言爲解紛老人在天君在世各壽其壽

樂其樂此處留爲獵酒計相攜蓬島或崑崙不間升沉與
興替煙霞終是引年資朝市今非行樂地

過博山園懷故督部陶文毅公

可聲在耳庾樓空如畫鬚眉俎豆崇五柳春深新帝澤

封翁課公讀書處曰印心石屋八州功大舊家風泉臺幸

免驚猿鶴石屋猶留證雪鴻園對天印山亦構印心忠孝

身兼遺憾少只憐廣厦尙胸中嘗擬拓山前地增惜

三山爽氣挹當門記否春風四座溫駿骨頻招湖海傑虎

皮同拜斗山尊創惜陰書院與園通六朝雲物難爲主一代風騷重

此園我是評花談月客到來同費孔融樽

嘉植重看綠滿岑當軒誰復共披襟捫碑不少蒼生淚報

國猶多未死心回首雲煙雙短髻側身天地一長吟衰
年旅寄交游倦有幾因緣翰墨深

記同甲子四人多一半騎箕去大羅

巴將軍哈布唐方伯鑑公與予皆戊戌生

日下音稀春夢斷

唐遷太常

天涯興盡歲華過青山終古給吟

客白墮當前懊病魔更憶花間投轄會雲箋難覓舊煙蘿

陳中丞鑾嘗觴客于此齊太守彥槐詩先成公與予皆和焉

枕上憶綬兒

夢中淒絕獨登臺滿眼兵戈霧不開入口輕拚千里別百

憂齊逼五更來餘生喜脫蛟龍窟

時家人赴官舟溺于興化湖中遇救獲全而綬

兒自淮安之任亦遇流澌撞舟幾覆

壯志休消鸚鵡杯此際旌旗橫海盛論

功何日斬鯨回

卷二十六終

琴隱園詩集卷二十七

武進 湯貽汾 雨生

琴隱集

壬寅 年六十五

春暮張澄齋招集陶谷

拌把殘春付醉鄉
到門齊趁蝶蜂狂
紅牙翠管團花淨
凡明窗奉墨皇
山色周遭樓百尺
禽聲下上木千章
白衣風月看無恙
興替都應大雅當

寄懷張南山司馬

祇有秦淮月能探
庾嶺梅更誰工
縮地與子快銜杯
松菊期無恙
鱗鴻訝未來
江天烽火亂
淒絕獨登臺

題袁小香

煥

山水遺墨向嘗同客嶺南兼示令子竹

畦

我愛袁高士孤吟雪滿山有春來竹屋無夢出柴關一醉
忽天末千巖落指間至今珠海客捧研憶雙鬟

畫史雲泉盛

雲泉山館在廣州白雲山

名高孰與儔羅胸山六代唾手

筆千秋壯志消林壑前盟證鷺鷗金奩魂魄寄揮淚不成
謳

此日橫樓

廣州船名

月何人載酒看文章難徒鱣琴鶴易辭官

風雨雙門

闕名

笛雲天萬里翰舊游桑海變墨瀋未全乾

翰墨同休戚荆關有子孫看山邀蠟屐話雨爲開尊愛我
花攢閣輪君水遶門一般圖畫裏泉下幾評論